

# 古今宮闈祕記卷八目次

## 雜誌類

春宵宮 海靈館

不鈞

雨金錫

少翁術

四寶宮

寶鏡

宵明草

三雲殿

雨蒼鹿

女珊瑚

七族六姓皆后黨

夢磨錢

合歡草

薄玉龍

金蟬屏風

六鐘出涕

我見猶憐

駟馬善醫

雜誌類 目次

古今宮闈秘記 卷八

段氏二女

賜錢起屋

景陽井

行貓鬼家

彩燭 閃電窗

春蘭秋菊一時之秀

陰來陽

鬥香

風洗陣

淚結紅冰

含玉魚兒

被底鴛鴦

景陽樓鐘聲

麝香

天杖

芙蓉鷗

十六院

公主城

昇平述志碑

紅汗

乞巧

呵筆應詔

吸露

金錢賭侍寢

長湯十六所

龍口渠

採桑鈎

却火菴 履水珠 常堅冰 變畫草

重明枕

顧沈哀罔篇

黃金蛇

周秦行紀

亡國餘音

扇能釀酒

胡子

白角冠

夜明枕

羅浮先生

芸輝堂 碧芙蓉

劉長卿詩

韓志和

亞之艷夢

松風石

靈芳園

麝香輪

皇明帳左宮枕

扇子亭

眉山老尼

古今宮闈秘記 卷八

生日詩

醫人妄言

挽公主詩

皂莢自羅

禁中帖子

貞婦冢

四時行樂

以水晶飾脚踏

聚景園詩

浙江亭觀湖

黃蛻聯

天桃女

脫舊災

元宮逸事

紅姑娘

儒服

引口膠

孫妃歌李紳閱農賦

沙狐狸

占斷奇中

八尺髮

斗牛

醫婦產子宮中

過錦戲

明宮瑣事

宮眷內臣喜厚味

宮內教書員

珍珠粉 玉簪粉

梅籃

周后不穿靴

御袍黃

冬日桂花

烏龍蟠柱

周后嗜花

露行花

回龍觀賞海棠

炭造像

養貓鴿作榜樣

弟弟何復

捺轉

中秋鼓琴

沈香假山

禁中兩長街

消寒花

邪風圖

周后暑衣尙素

眞珠衫

泥彈落二鳥

雜誌類 目次

古今宮闈秘記 卷八

西苑投壺

曲柄琵琶

懿安阻南遷

田妃善蹴鞠

對玉帝稱兒子

省愆居

上元然燈

宮中狐妖

聞香動心

大珠當籌

咬春

九老三班

奇花火燭

南遷密計

田妃賽蘭

西施舞

小人屋

燕窩羹

撒玉桌像

一碗粉圓一貫錢

打稻戲

九蓮菩薩

熱河寶藏

交泰殿大鐘

排雲殿彩棚

蔣孝廉西征述異記

管劬安

大法船

陶農部宮詞

頤和園之來歷

白雲觀道士

繆太太

滿洲姑奶奶

雜誌類目次

# 古今宮闈祕記卷八

雜誌類

春宵宮 海靈館

述異記。吳王夫差築姑蘇之臺。三年乃成。周旋詰屈。橫亘五里。崇飾土木。殫耗人力。宮妓數千人。上別立春宵宮。爲長夜之飲。造千石酒鍾。又作天池。池中造青龍舟。舟中盛陳妓樂。日與西施爲水嬉。又於宮中作海靈館。館娃閣。銅溝玉檻。宮之楹檻珠玉飾之。

不鉤

記事珠。徐福爲秦始皇。作自然之簾。懸於宮門。始皇抱文珠。置膝上。其簾便下。去之。則簾自捲。不事鉤也。故又名不鉤。

兩金錫

雜誌類



述異志。漢惠帝二年。宮中雨黃金黑錫。

### 少翁術

漢武帝本紀。齊人少翁。以鬼神方見上。上有所幸王夫人。夫人卒。少翁以方術。蓋夜致王夫人及竈鬼之貌。云。天子自帷中望見焉。於是乃拜少翁爲文成將軍。賞賜甚多。

### 四寶宮

西京雜記。漢武帝爲七寶牀。雜寶案。廁寶屏風。列寶帳。設於桂宮。時人謂之四寶宮。

### 寶鏡

西京雜記。漢宣帝被收繁郡邸獄。臂上猶帶史良娣合采婉轉絲繩。繫身毒國寶鏡一枚。大如八銖錢。舊傳此鏡。見妖魅得佩之者。爲天神所福。故宣帝從危獲濟。及即大位。每持此鏡。感咽移辰。常以琥珀筥盛之。緘以戚里織內錦。一曰斜紋錦。帝崩不知所在。

## 宵明草

拾遺記。宣帝地節元年。樂浪之東有宵明之國。來貢其方物。有宵明草。夜視如列燭。晝則無光。自消滅也。

## 三雲殿

西京雜記。漢成帝設雲帳。雲幄。雲幕於甘泉紫殿。世謂三雲殿。漢掖庭有月影臺。雲光殿。九華殿。鳴鸞殿。開襟閣。臨池觀。不在簿籍。皆繁華窈窕之所棲宿焉。

## 兩蒼鹿

述異志。漢成帝末年。宮中雨一蒼鹿。殺而食之。其味甚美。

## 女珊瑚

述異記。光武時南海獻珊瑚婦人。帝命植於殿前。謂之女珊瑚。一旦枝葉甚茂。至靈。帝時死。

## 七族六姓皆后黨

事詞類奇。西京七族皆后黨。呂、竇、衛、上官、霍、許、王，是爲七族。東京六族亦后黨。鄧、馬、竇、閻、梁，何是爲六姓。

### 夢磨錢

三國志註。魏文帝夢磨錢。欲使文滅。而更愈明。以問周宣。宣答曰。此陛下家事。雖意欲爾。而太后不聽也。

### 合歡草

拾遺記。魏明帝起凌霄臺。有合歡草。狀如蓍。一株百莖。晝則衆條扶疎。夜則合爲一莖。萬不遺一。謂之神草。

### 薄玉龍

烟花記。吳主亮臨池觀竹。旣枯。后每思其響。夜不能寢。帝爲作薄玉龍數十枚。以縷線懸於簷外。夜中因風相擊。聽之與竹無異。民間效之。不敢用龍。以什駿代。

### 金螭屏風

烟花記吳主亮命工人潘芳作金螭屏風。鏤祥物一百三十種。種種有生氣。遠視若真。一日與夫人戲觸屏。墜其一鳳。頃之飛去。

### 六鐘出涕

晉書五行志。惠帝元康三年閏二月。殿前六鐘皆出涕。五刻止。前年買后殺楊太后於金墉城。而買后爲惡不止。故鐘出涕。猶傷之也。

### 我見猶憐

世說新語。桓溫平蜀。以李勢女爲妾。有寵。後溫尙南康長公主。始不知之。既聞。乃伺溫不在。率數十婢。拔白刃往李所。故欲斫之。見李梳頭髮垂委地。姿貌端麗。乃徐下地。結髮歛手向公主曰。國破家亡。以至今日。若能見殺。實猶生耳。神色閑正。辭氣悽婉。公主於是擲刀前抱之。曰。阿姊。我見汝。不能不憐。何況老奴。遂善遇之。

### 駙馬善醫

南史。廬江公主下嫁褚澄。澄善醫術。建元中爲吳郡太守。百姓李道念以公事到郡。

澄見謂曰。汝有重疾。答曰。舊有冷疾。至今五年。衆醫不差。澄爲診脈。謂曰。汝疾非冷。非熱。當是食白瀟雞子過多所致。取蘇一升。煮服之。始一服。乃吐得一物如升。涎裏之動。開看是雞。雞羽翅爪距。具足能行。澄曰。此未盡。更服所餘藥。又吐得如向者。雞十三頭。而病都差。當時稱妙。

### 段氏二女

後燕垂后傳。段氏。字元妃。遼西鮮卑光祿大夫段儀之女也。少而婉慧。有節操。嘗謂其妹季妃曰。我終不作凡人妻。季妃曰。妹亦不爲庸夫婦。鄰人聞而笑之。內黃人張定善相。見儀二女。大驚曰。君家大興。當由二女。儀深異之。至年二十餘而不嫁。儀子倫謂儀曰。張定何知而拒求者。儀曰。吾輩志氣不凡。故且踟躕以擇良配。旣而垂納元妃爲繼室。遂有殊寵。及僭卽帝位。册拜爲皇后。范陽王亦聘季妃。姊妹皆爲皇后。卒如其言。

### 景陽樓鐘聲

南齊書。武穆裴皇后傳。舊顯陽昭陽殿。太后皇后所居也。永明中無太后皇后。羊貴嬪居昭陽殿西。范貴妃居昭陽殿東。寵姬荀昭華居鳳華柏殿宮內。御所居壽昌畫殿。南閣置白鷺鼓吹二部。乾光殿東西頭置鐘磬。兩廂皆宴樂處也。上數遊幸諸苑。圍載宮人從後車。宮內深隱。不聞端門鼓漏聲。置鐘於景陽樓上。宮人聞鐘聲。早起裝飾。至今此鐘。惟應五鼓及三鼓也。車駕數幸琅琊城。宮人常從早發。至湖北埭。雞始鳴。

### 賜錢起屋

宋書后妃傳。明帝陳貴妃諱妙登。丹陽建康人。屠家女也。世祖常使尉司採訪民間子女有姿色者。太妃家在建康縣界。家貧有草屋兩三間。上出行。問尉曰。御道邊那得此草屋。當由家貧。賜錢三萬。令起瓦屋。尉自送錢與之。家人並不在。惟太妃在家。時年十二。尉見其容質甚美。即以白世祖。於是迎入宮。

### 麝香

烟花記。陳宮人喜於春林放柘彈。佩玉盡畫鸞。臥履以薄玉花爲飾。內散以龍腦諸香屑。謂之塵香。

### 景陽井

六朝事迹。景陽井。臺城中景陽宮井也。按南史。隋克臺城。後主與張麗華。孔貴妃俱入井。隋軍出之。故杜牧之詩云。三人出晉井。謂此也。其井有石欄。上多題字。舊傳云。欄有石脉。以帛拭之。作胭脂痕。

### 天杖

周書宣帝本紀。帝令京城少年爲婦人服飾。入殿歌舞。與後宮觀之。以爲喜樂。每管捶人。皆以百二十爲度。名曰天杖。宮人內職亦如之。

### 行貓鬼家

隋書。獨孤陀。字黎邪。仕周。胥附上士。坐父徙蜀郡。十餘年。宇文護被誅。始歸長安。高祖受禪。拜上開府。領左右將軍。六之。出爲郢州刺史。進位上大將軍。累轉延州刺史。

好左道。其妻母先事貓鬼。因轉入其家。上微聞而不之信也。會獻皇后及楊素妻鄭氏俱有疾。召醫者視之。皆曰此貓鬼疾也。上以隋后之異母弟。隋妻楊素之異母妹。由是意隋所爲。陰令其兄穆以情喻之。上又避左右諷。隋言無有。上不悅。左轉遷州刺史。出怨言。上令左僕射高穎納言蘇威、大理正皇甫孝緒、大理丞楊遠等雜治之。隋婢徐阿尼言。本從隋母家來。常事貓鬼。每以子日夜祀之。言子者鼠也。其貓鬼每殺人者。所死家財物潛移於畜貓鬼家。隋嘗從家中索酒。其妻曰。無錢可酤。隋因謂阿尼曰。可令貓鬼向越公家。使吾足錢也。阿尼便呪之。歸數日。貓鬼向素家。十一年。上初從并州還。隋於園中謂阿尼曰。可令貓鬼向皇后所。使多賜吾物。阿尼復呪之。遂入宮中。楊遠乃於門下外省遣阿尼呼貓鬼。阿尼於是夜中置香粥一盆。以匙扣而呼之曰。貓女可來。無住宮中久之。阿尼色正青。若被牽曳者。云貓鬼已至。上以其事下公卿。奇章公牛弘曰。妖由人興。殺其人可以絕矣。上令以犢車載隋夫婦將賜死於其家。隋弟司勳侍中整詣闕求哀。於是免隋死。除名爲民。以其妻楊氏爲尼。



先是有人訟其母爲貓鬼所殺者。上以爲妖妄。怒而遣之。及此。詔誅被訟行貓鬼家。施未幾而卒。

### 芙蓉鷗

陶穀清異錄。隋宦者劉繼詮得芙蓉鷗二十四隻。以獻。毛色如芙蓉。帝甚喜。置北海中。曰鷗字三品鳥。宜封碧海舍人。

### 彩燭 閃電窗

烟花記。隋煬帝香寶宮中。燭心至跋。皆用異屑。燃之有異彩數里。觀書處。窗戶玲瓏。金鋪玉觀。輝映溢目。號爲閃電窗。

### 十六院

海山記。隋煬帝詔定西苑十六院名。景明一。迎暉二。樓鸞三。晨光四。明霞五。翠華六。文安七。積珍八。影紋九。儀鳳十。仁智十一。清修十二。寶林十三。和明十四。綺陰十五。降陽十六。皆帝自製名。院有二十人。皆擇宮中佳麗。謹厚。有容色美人實之。每一院。